

ЎТМИШГА НАЗАР

ВЗГЛЯД В ПРОШЛОЕ

LOOK TO THE PAST

№23 (2019)



TOSHKENT-2019

Бош муҳаррир:
Главный редактор:
Chief Editor:

Муртазаева Раҳбар Ҳамидовна
тарих фанлари доктори, профессор,
Ўзбекистон Миллий Университети

Бош муҳаррир ўринбосари:
Заместитель главного редактора:
Deputy Chief Editor:

Джураева Нилуфар Далибаевна
тарих фанлари номзоди, доцент,
Ўзбекистон Жаҳон Тиллари Университети

"Ўтмишга назар" журнали таҳририй маслаҳат кенгаши
редакционный совет журнала "Взгляд в прошлое"
Editorial Board of the Look to the past

Кебадзе Мадонна

*Доктор исторических наук, Телавский
государственный университет (Грузия)*

Бурдиашвили Майя

*Доктор исторических наук, Телавский
государственный университет (Грузия)*

Кожакеева Ляззат Темировна

*тарих фанлари доктори, доцент,
Хотин-қизлар давлат педагогика университети,
Қозоғистон Республикаси*

Сагдуллаев Анатолий Сагдуллаевич

*тарих фанлари доктори, профессор, академик,
Ўзбекистон Миллий Университети*

Бобожонова Дилором Бобожонова

*тарих фанлари доктори, профессор, Ўзбекистон
Жаҳон Тиллари Университети*

Зияева Доно Ҳамидовна

*тарих фанлари доктори, профессор,
ЎзР ФА Тарих институти*

Аширов Адҳам Азимбаевич

*тарих фанлари доктори, профессор,
ЎзР ФА Тарих институти*

Агзамова Гулчехра Азизовна

*тарих фанлари доктори, профессор,
ЎзР ФА Тарих институти*

Халикова Раҳбар Эргашевна

*тарих фанлари доктори, профессор, Тошкент
давлат техника университети*

Ишанходжаева Замира Райимовна

*тарих фанлари доктори, профессор в.б.,
Ўзбекистон Миллий Университети*

Кобзева Ольга Петровна

*тарих фанлари доктори, профессор в.б.,
Ўзбекистон Миллий университети*

Одилов Абдор Анварович

*тарих фанлари номзоди, доцент, Ўзбекистон
Миллий университети*

Ерметов Аваз Абдуллаевич

*тарих фанлари номзоди, доцент, Ўзбекистон
Миллий Университети*

Саипова Камола Давляталиевна

*тарих фанлари номзоди, доцент, Ўзбекистон
Миллий Университети*

Джоробекова Айнура Эшимбековна

*тарих фанлари номзоди, профессор, Тошқи
ишлар вазирлиги қошидаги Дипломатия
академияси, Қозоғистон Республикаси*

Ульжаева Шохистахон Мамажоновна

*тарих фанлари доктори, Тошкент Кимё -
Технология Институтида*

Саҳифаловчи: Хуршид Мирзахмедов

Контакт редакций журналов. www.tadqiqot.uz

ООО Tadqiqot город Ташкент,
улица Амир Темура пр.1, дом-2.
Web: <http://www.tadqiqot.uz/>; Email: info@tadqiqot.uz
Тел: (+998-94) 404-0000

Editorial staff of the journals of www.tadqiqot.uz

Tadqiqot LLC The city of Tashkent,
Amir Temur Street pr.1, House 2.
Web: <http://www.tadqiqot.uz/>; Email: info@tadqiqot.uz
Phone: (+998-94) 404-0000

МУНДАРИЖА \ СОДЕРЖАНИЕ \ CONTENT

1.Хайдаров И.М.

ЎЗБЕКИСТОНДАГИ АГРАР-САНОАТ КОМПЛЕКСИ ТАРИХИДАН
(XX асрнинг 60-80 йиллари).....4

2.Азаматова Г.Б.

АҲОЛИ МИГРАЦИЯСИДА ХОТИН - ҚИЗЛАР ҲАРАКАТИ:
МУАММО ВА ЕЧИМЛАР.....14

3.Бутаев У.

МУРАККАБ ЗАМОНАВИЙ ДУНЁДА ҲАҚИҚИЙ МУСТАҚИЛЛИКНИ
ТАЪМИНЛАШ МУАММОЛАРИ.....24

4.Ёдгоров З.Ш.

ЎЗБЕКИСТОНДА МУСТАҚИЛЛИК ЙИЛЛАРИДА ЖИСМОНИЙ
ТАРБИЯ ВА СПОРТ СОҲАСИДА АМАЛГА ОШИРИЛАЁТГАН ДАВЛАТ
СИЁСАТИНИНГ УСТУВОР ВАЗИФАЛАРИ.....31

5.Мажидов А.Ф., Абдурасулова Д.Т.

ТАРИХИМИЗНИНГ ҲАСРАТЛИ САҲИФАЛАРИ ХУСУСИДА БАЎЗИ
МУЛОҲАЗАЛАР.....40

6.Пардаев Т.Р., Турсунов Ж.Н.

МУСТАБИД ТУЗУМНИНГ МИЛЛИЙ ВА ДИНИЙ ҚАДРИЯТЛАРГА
МУНОСАБАТИ.....44

7.Охунжонова Ш.Ю.

ТОШКЕНТ БОЗОРЛАРИ ФАОЛИЯТИНИНГ МАНБАЛАРДА
АКС ЭТИШИ.....50

8.Тухтаева М.С.

XX АСР ЎЗБЕКИСТОН САНЪАТШУНОСЛАРИНИНГ ЎРТА ОСИЁДА
ШАРҚ УЙҒОНИШ ДАВРИ САНЪАТИ ТАРИХИНИ ЎРГАНИШГА
ҚЎШГАН ҲИССАСИ.....59

9.Шукуров Р.

БУХОРО БОСҚИНИ АРАФАСИДАГИ СИЁСИЙ ЖАРАЁНЛАРНИНГ
ЗАМОНАВИЙ ТАРИХ ТАДҚИҚОТЛАРИДАГИ ТАҲЛИЛИ.....68

10.Тўпчиев У.С.

ХІХ АСР ОХИРИ-ХХ АСР БОШЛАРИДАТУРКИСТОН ЎЛКАСИДА
ВИНОЧИЛИК САНОАТИНИНГ ВУЖУДГА КЕЛИШИ.....75

11.Мадаминаова Д.И., Мустапова Х.И., Суюнова Б.С.

ЯПОНИЯ ТАШҚИ СИЁСАТИДА МАРКАЗИЙ ОСИЁ ВЕКТОРИНИНГ
ШАКЛЛАНИШ ВА РИВОЖЛАНИШ ХУСУСИЯТЛАРИ.....89

12.Нарзуллаева Н.А.

ХИВА ХОНЛИГИ МЕТРОЛОГИК ТИЗИМИ.....96

ЎТМИШГА НАЗАР ВЗГЛЯД В ПРОШЛОЕ LOOK TO THE PAST

Пардаев Тошкентбой Ражабович,
Турсунов Жавли Нарзуллаевич,
Термиз давлат университети доцентлари

МУСТАБИД ТУЗУМНИНГ МИЛЛИЙ ВА ДИНИЙ ҚАДРИЯТЛАРГА МУНОСАБАТИ

***For citation:** Toshkentboy R.Pardaev, Zhavli N.Tursunov. The attitude of the despotic regime to national and religious values. 2019, vol. 23, issue 2, pp. 44-49*

 <http://dx.doi.org/10.26739/2181-9599-2019-23-06>

АННОТАЦИЯ

Мақолада мустабид тузумнинг маънавий қадриятларимизга таҳдиди, миллатни ўз она тилидан шонли тарихидан шунингдек, асрий анъаналаридан ажратишга қаратилган мафкуравий зуғумлари, қатағон сиёсати ва унинг бошқариш механизми очиб берилган. Совет ҳукуматининг нотўғри миллий сиёсати оқибатида республикада жумладан, жанубий вилоятларда юзага келган маънавий танглик ҳолатлари асл манбалар асосида таҳлил этилган.

Калит сўзлар: мустабид тузум, қадрият, маънавият, тарихий мерос, мустақиллик, маданият, маърифат, дин, эътикод, анъана.

Пардаев Тошкентбой Раджабович,
Турсунов Жавли Нарзуллаевич,
доценты Термезского государственного университета

ОТНОШЕНИЕ ДЕСПОТИЧЕСКОГО СТРОЯ К НАЦИОНАЛЬНЫМ И РЕЛИГИОЗНЫМ ЦЕННОСТЯМ

АННОТАЦИЯ

В статье раскрыты угроза деспотического строя нашим духовным ценностям, идеологическая злоба, репрессивная, направленная на лишение нации от родного языка, славной истории, священной религии, от вековых традиций и механизмы его управления.

В результате неправильной национальной политика правительства советов,

кризисная ситуация, возникшая в республике, в честности, в гашеных областях анализированы на основе подлинных источников.

Ключевые слова: деспотический строй, ценность, духовность, историческое наследие, независимость, культура, просвещение, религия, убийство, традиция.

Toshkentboy R.Pardaev,

Zhavli N.Tursunov,

Termiz davlat university associate professor

THE ATTITUDE OF THE DESPOTIC REGIME TO NATIONAL AND RELIGIOUS VALUES

ANNOTATION

The article reveals the despotic regime's threat to our spiritual values, depriving the nation from its own mother language and glorious history, likewise ideological violences that was directed to deprive from ancient traditions, cataclysm policy and its control mechanism. Spiritual tightness situations that sprang up in the republic, including in southern regions as result of incorrect national policy of the government of the previous United were analyzed in basis of original sources.

Key words: despotic regime, value, spirituality, historical heritage, Independence, culture, enlightenment, religion, faith, tradition.

Мамлакатимиз ўз мустақиллигини қўлга киритгандан кейин қисқа вақт ичида иқтисодий, ижтимоий-сиёсий, маънавий маърифий соҳаларда жуда катта ютуқлар қўлга киритилди. Мустақиллик том маънода маънавий қадриятларимизни, муқаддас динимизни қайта тиклади. Бироқ мустабид тузум даврида амалга оширилган ғайри илмий геноцид сиёсатнинг зуғумлари фақатгина халқимизни моддий бойликларини талаб қолмасдан, балки миллий ва маънавий қадриятларига ҳам таҳдид солди. Биринчи Президентимиз И.Каримов таъбири билан айтганда: "Маънавиятимизга қарши қаратилган ҳар қандай ҳуруж-бу миллатимизни миллат қиладиган, асрлар, минг йиллар давомида аجدодлардан авлодларга ўтиб келаётган ўзига хос ва ўзига мос хусусиятларга, миллий ғурур, миллий ифтихор туйғусига, бизни доимий равишда тадрижий тараққиётга чорлайдиган, шу йўлдаги барча асорат ва иллатлардан халос бўлиб, озод ва фаровон ҳаёт барпо этишдек эзгу мақсадларимизга катта зарба берадиган мудҳиш хавф-хатарларни англатади [1,Б.14]

Чоризмнинг мустамлакачилик сиёсатининг ворисий давомчиси саналган совет ҳукумати миллий ва маънавий қадриятларга бўлган салбий муносабатда ўзининг ўтмишдошиданда анча илгарилаб кетди.

Мустабид тузумининг бутун бошқарув механизми мустамлака халқларнинг моддий бойликларини аёвсиз тарзда талаш билан бир қаторда уларнинг миллий, маънавий ва диний қадриятларини йўқотишга қаратилди. Ушбу мақсадни амалга ошириш жараёнида вақти-вақти билан қатағонлар уюштириб турулди. Жумладан: ўтган асрнинг 20- йилларида "босмачиликка қарши кураш", диндорларга қарши кураш, бой ва судхўр золимларга қарши кураш компанияси, 30-йилларида эса "қулоқлаштириш сиёсати", 1936-1938 йилларда давлат арбоблари ва зиёлийларга қарши қаратилган қатағонлар, урушдан кейинги йилларда эса миллий зиёлийларимиз ва ижод аҳлини бадном қилиш ва шу каби бошқа таҳдидлардан

қўзланган бош-мақсад миллатни сиёсий жиҳатдан қарам маънавий жиҳатдан басир қилиб, руҳий жиҳатдан муъте қилиб унинг бойлигини талаш, ўзини эса бўйин товламайдиган қул қилишдан иборат эди.

Совет ҳукумати ўзининг бундай сиёсатидан доимо кенг фойдаланиб келди. Чунончи ўтган асрнинг 60-80 йилларида ҳам бу сийсатдан воз кечмади аксинча замонга мослаб янгича кўриниш ва ниқоблар билан асл мақсадини хаспўшлаб келди. Мустабид тузумнинг бундай номақбул сиёсати миллатни асл қадриятларидан айришга қаратилганлиги билан ажралиб туради. Жумладан, халқимизнинг азалий қадриятларидан бири саналаган "Алпомиш" достонининг табиатан зарарли, халққа қарши, чунки, ўтмишни "идеаллаштиради" деб кўрсатишга қаратилган партиянинг алоҳида пленуми бўлди. 1961 йилда КПССнинг XXII съезди бўлиб ўтди. Ушбу съездда миллий масала ҳам муҳокама этилди ва совет давлатида миллий масала юз фоиз ҳал этилди деган қарор қабул қилинди. Шунингдек, съездда "Бутун миллат бир халқ бўлди. Совет халқи вужудга келди. Бир халқ бўлгандан кейин миллат ҳам битта бўлади" деган ғоя илгари сурилди [2,Б.13]

Собиқ СССР таркибида 100 дан зиёд миллат ва элат мавжуд бўла туриб, уларнинг равнақи инобатга олинмади. Миллий талаб ва эҳтиёжларни менсимаган ҳолда мамлакатда битта миллат битта тил бўлади деганқатъий қарор қилинди. Бу ҳам етмаганидек 1977 йилда қабул қилинган СССР конституциясида ҳам бу масала янада мустаҳкамланди. Совет ҳукумати миллий маданият масаласида ҳам жиддий хатога йўл қўйиб "Шаклан миллий, мазмунан социалистик маданият" бўлиши керак деган ғояни илгари сурди. Бу собиқ иттифоқ таркибидаги кўпгина халқларнинг маънавиятига маданиятига берилган жиддий зарба эди. Бу халқимизнинг минг йиллик шонли тарихи билан ҳисоблашмаслик, миллатнинг номуси ва ғурури бўлган она тилини таҳқирлашдан иборат зулмкор ғоя эди.

Марказнинг миллий масала юзасидан қабул қилган бундай кўр-кўрона қарорлари одамларни анча чўчитиб қўйди, одамлар орасида саросималар тарқалди энди нима бўламиз, тилимиз қандай бўлади, анъаналаримиз йўқоладими деган ҳадиксираш кучайди. Шунга қарамасдан марказ миллий масала борасидаги сиёсатида ўз позициясида қолди. Бу ҳам етмаганидек 80-йилларда "пахта иши", "ўзбек иши" каби янги кўринишдаги туҳматлар ўйлаб топилиб, халқ бошига жуда катта маълوماتлар ёғилди. Ўша пайтда республика тепасида турган айрим раҳбарлар бундай туҳматлардан халқни ҳимоя қилиш у ёқда турсин балки ўз халқининг бошига мазгава тўкиш, уни бадном қилиш орқали ўз мавқебини сақлаб қолишга ҳаракат қилди. Халқимиз учун ниҳоятда аянчли ва аламли бўлган ўша дамларда яъни 1986 йилнинг 4 октябрда Ўзбекистон Компартияси Марказий Қўмитасининг III пленуми бўлди. Унда, идеология ишининг самарадорлигини янада ошириш юзасидан республика партия ташкилотининг вазифалари масаласи муҳокама қилинди. Унда реал ҳаётга мос бўлмаган, халқнинг миллий ўзлигини англашига зид кўрсатмалар берилди. Шунингдек, "ўтмишни идеаллаштириш, носинфий ва нотарихий ёндошувлар шунга олиб келадики, Темур каби феодал золимлар театр сахналарида, кино экранларида, китоб саҳифаларида шу вақтга қадар кўзга ташланиб турибди, айрим ёзувчиларнинг эътиборида тарих ҳақиқатига зид равишда у инсонпарвар ва узоқни кўра билувчи сиёсатчилар қилиб кўрсатилган... Бундай калтабинлик замирида тарихни қайтадан ёзишга уриниш, патриархал даврни қўмсашни тарғиб қилиш, исломни миллий маданиятнинг хазиначиси қилиб кўрсатишга уриниши ётади. [3,Б.116] деб баҳоланди. Пленум "идеология ишидаги

мавжуд бузилишлар мурасасизлик билан тугатилсин, тарихий ўтмишни идрок қилишда марксча ленинча методологиядан оғиш йўлидаги ҳар қандай урунишларга зарба берилсин" деб кўрсатма берди.

Бундай нотўғри позиция 1987 йил 17 январда Тошкент шаҳрида бўлиб ўтган жамиятшунос олимларнинг республика кенгашида ҳам яна бир бор таъкидланди [4,Б.117]

Халқ манфаатини кўзламаган, халқ дарди, армони ва орзусини ўзида мужассам этмаган гоё халқнинг бошига ниҳоятда катта ситамлар солади балолар ёғдирарди. Оқибатда тарихий обидаларимиз вайрона холига келиб қолди, масжидлар, муқаддас қадамжолар бузиб ташланди, халқимизнинг асрий анъана ва қадриятларига ҳужум бошланди, она тилимиз уй-рўзгор тилига айланди. Бу миллат учун жуда катта йўқотиш эди. Шу ўринда 1986 йил январ-феврал ойларида бўлиб ўтган Ўзбекистон компартиясининг XXI съездида қабул қилинган динга нисбатан ноқобил позицияни ҳам эслаб ўтишга тўғри келади. Жумладан, Съездда шундай дейилган эди. "дин миллатчилик ва шовинизмга ҳар доим йўл очишини, иқтисодий, социал тараққиётга тўсқинлик қилишини, социалистик турмуш тарзи, коммунистик маънавиятнинг қарор топишига тўсқинлик қилишини ҳар доим эсда тутмоқ керак". [5,Б.130]

Кўриниб турибдики мустабид тузум халқнинг қадриятларини топташ тарихини менсимаслик она тилини йўқотиш орқали миллатни йўқотишга уни маънавий сўқир қилиб, манқуртга айлантиришни ўзига асосий мафкуравий мақсад қилиб олган эди. Республикаимизнинг мустақиллик эришиши туфайли халқимиз ўзлигини англади. Бой маънавий меросидан нафақат баҳраманд бўлди балки уни дунёга тараннум қилиш имкониятига эга бўлди.

Ислом динига нисбатан бундай ғаразни ёндошув албатта кенг жамоатчиликнинг норозилигини юзага келтирди.

Мазкур қарорни бажариш юзасидан амалга оширилган аҳмоқона тадбирлар натижасида кўплаб тарихий обидалар, нодир қўлёмалар, асрий анъаналар ва халқ қадриятларига аёвсиз ҳужум уюштирилди. Бу ҳолатни Биринчи Президентимиз қуйидагича изоҳлаган эди. "миллатлараро муносабатларни ривожлантиришда биз ўз халқига ҳурмат билан бир қаторда бошқа миллат ва халқларга нисбатан ҳам чуқур ҳурмат эътибор ҳи қўшничилик ва уларнинг ҳам миллий гурурлари борлигини ҳисобга олиб ҳаракат қилишимиз керак. Миллий анъаналар халқнинг энг нозик, энг ҳурматталаб фазилатларидир. Афсуски, четдан келган баъзи бир одамлар ана шу нарса билан ҳисоблашмаган пайтлар бўлди. Ҳатто ўзимиздан чиққан айрим раҳбарлар Наврўз байрамига, миллий кийим кечакка қарши чиқди. Шу даражага бориб етдикки, қориндошини кўмиш маросимида қатнашишга ҳам эскилик сарқити, деб қаралди, бундай одамларга, айниқса, раҳбарларга нисбатан тазйқ ўтказилди. Диндорлар билан мулоқотда бўлиш, улар билан бамаслаҳат иш юритиш масалаларини қўяверинг. [6,Б.144]

Бундай калтабин сиёсат халқнинг қалбига оғир жароҳатлар солганини ҳанузгача ёши улуғ инсонлар ниҳоятда чуқур алам ва афсус билан эслашади.

Сурхон воҳаси ҳам ўзининг узоқ даврлик шонли тарихи мобайнида улуғ салтанат ва давлатларга бешик бўлган, бу заминда илму-урфон, адабий ва санъат гуллаб яшанаган, кўплаб меъморий обидалар қад ростлаган, дунё тамаддунига улкан ҳисса қўшган алломалар, буддавийлик ва ислом динларига беназир хизмат қилган уломолар етишиб чиққан муқаддас замин саналади.

Мустабид тузумнинг миллий маънавий қадриятларимизга ва муқаддас динимизга нисбатан юритган тожовузор сиёсатидан воҳа аҳли ҳам анча азоб чекка ва хўрланган. Жумладан, 1937 йил 25 октябрда "учлик" нинг №26 сон баённомасига мувофиқ ички ишлар халқ комиссарлиги Сурхондарё округ бўлими тақдим этган 3639-сонли иш бўйича бир кунда юзлаб одамлар қатағон қурбонига айланган ёҳуд озодликдан маҳрум этилган. [7,Б.186]

Ислон оламида тасаввуф илмининг етакчиларидан бири сифатида эътироф этилган улуғ файласуф Ҳакимия тариқатининг етакчиси, кўплаб китоблар муаллифи Ал Ҳаким Термизийнинг абадий қўним топган (мақбараси тиканли симлар ортида қолиб кетди маҳаллий аҳоли томонидан Термиз ота деб улуғланган алломанинг қабрини зиёрат қилиш у ёқда турсин балки ўша манзилга ўтиш учун алоҳида ташкилотларнинг рухсатномаси бўлиши шарт эди. Термиз шаҳри атрофида жойлашган сайдлар хилхонаси Султон Саодат, мажмуаси, Қирққиз, Термизшоҳлар саройи, Зулкифл мақбараси, Кокилдорота хонақоҳи, Чорустун масжидининг минораси Сариосиёдаги Оқостонабобо, Шерабоддаги Абу Исо Термизий, Атоулла Саид Ваққос, Ахтам саҳоба, Ангордаги Хўжа Рўшноий каби юзлаб авлиёларнинг мақбаралари харобазорга айланиб қолди.

Термиз яқинидаги Саловат қишлоғида жойлашган Жомъе масжид ва мадраса умуман йўқ бўлиб кетди. Деновдаги XVIII асрнинг ажойиб меъморий обидси, Саййид Оталиқ мадрасаси ҳам шўроларнинг зўравонларга сиёсати туфайли анча зиён кўрди. Жумладан, совет ҳокимиятини ўрнатиш йилларида ушбу мадрасадан қизил аскарлар штаб ва зиндон сифатида фойдаланишган мадрасанинг ханоқоҳ қисми тамоман бузиб ташланган. Сўнгра ДОСААФ идораси, дорихона, архив сифатида фойдаланишган, кўчиб келиб жой топа олмаган европалик аҳолининг оилалари ҳам маълум вақт мадраса ҳужраларга жойлаштирилган. Кейинчалик эса жамоа хўжалиги гаражи, рассомлар устахонаси сифатида ҳам мадраса биносидан фойдаланишган [8,Б.237-238]

Бутун ислон оламида саҳиҳи ситтанинг бири сифатида эътироф этилган Абу исо Термизийнинг мақбараси ҳам ўша йилларда ниҳоятда хароб аҳволга келиб қолган эди. Токи 1990 йил сентябр ойида улуғ муҳаддиснинг 1200 йиллиги ўтказулгунга қадар бу буюк зотнинг номи кўпчиликка номаълум эди.

Мустақиллик том маънода халқимизни ўзлигини англашида энг улуғ қадам бўлди. Мустақиллик йилларида Имом Бухорий, Ал Ҳаким Термизий, Имом Термизий, имом Мотрудий, Баҳоуддин Нақшбанд, Хожа Абдуҳолиқ Фиждувоний, Каффол Шоший, Хўжа Аҳрор Валий, Имом аз Замахшарий каби кўплаб азиз зотларнинг мақбаралари қайта таъмирланиб, сайқалланиб, мунаввар масканларга айлантирилди. Бу зотлар қолдирган улуғ маънавий мерос яна халқимизга қайтарилди.

Хулоса сифатида шуни қайд этиш жоизки, миллий қадриятлар, асрий анъаналар, муқаддас динимиз, жондан азиз она тилимиз, шонли тарихимиз асло завоқ топмайдиган улуғ неъматлар қаторига киради. Чунки, халқ бор экан, халқнинг руҳи уйғоқ, маънавияти бутун, эътиқоди собит, иродаси букилмас экан бундай меросни на маҳв этиб бўлади на йўқотиб бўлади. Бу улуғ мероснинг буюклиги унинг халқ руҳияти билан уйғунлигидадир.

Фойдаланилган адабиётлар рўйхати

1. Каримов И.А. Юксак маънавият-енгилмас куч. -Тошкент: Маънавият, 2013. - Б.14 (I.A.Karimov. The high spirituality is an invincible force. -T.: Ma'naviyat, 2013. 14th page).
2. Жўраев Н. Ўзликни англаш мавриди. -Тошкент: Ўзбекистон, 1990. -Б.13 (Jo'rayev N. The moment of self-awareness. -T.: O'zbekiston, 1990. 13th page.)
3. Совет Ўзбекистон газетаси. 1984 йил 5 октябрь (The newspaper "Sovet O'zbekiston", 5th october, 1984th year.)
4. Мустақил Ўзбекистон тарихининг дастлабки саҳифалари. -Тошкент: Шарқ, 2000. -Б.117. (Initial pages of the history of independent Uzbekistan. -T.: Sharq, 2000. 117th page).
5. Ўша китоб 130-бет (That book 130th page).
6. Каримов И. Ўзбекистон мустақилликка эришиш оstonасида. -Тошкент: Ўзбекистон, 2011. -Б.144(I. Karimov. Uzbekistan on the threshold of independence. -T.: O'zbekiston, 2011. 144th page).
7. "Ўзбекистонда моддий маданият ва этномаданий жараёнлар: замонавийлик ва анъанавийлик" мавзусидаги республика илмий-амалий анжумани мақолалар тўплами // 2011 йил 3-4 май. -Б.186. ("The material culture and etnocultural processes: modernity and traditionality". The collection of rhe articles of scientific-practical republic forum that held on 3-4 Mai in 2011th year).
8. Турсунов С., Пардаев Т ва б. Сурхон воҳаси моддий маданият тарихи. -Тошкент: Мухаррир, 2013. -Б.37-38. (Tursunov S., Pardayev T. and others. "The history of material culture of Sorhan oasis". -T.: Muharrir, 2013. 37-38th pages).

ЎТМИШГА НАЗАР

ВЗГЛЯД В ПРОШЛОЕ

LOOK TO THE PAST

№23 (2019)

Контакт редакций журналов. www.tadqiqot.uz

ООО Tadqiqot город Ташкент,
улица Амир Темура пр.1, дом-2.

Web: <http://www.tadqiqot.uz/>; Email: info@tadqiqot.uz
Тел: (+998-94) 404-0000

Editorial staff of the journals of www.tadqiqot.uz

Tadqiqot LLC The city of Tashkent,
Amir Temur Street pr.1, House 2.

Web: <http://www.tadqiqot.uz/>; Email: info@tadqiqot.uz
Phone: (+998-94) 404-0000